

外科疾病

150. 瘾疹

风之中人，必乘营血之虚，脉之所以迟也。营虚则风从卫分传入者，营血热度不足以相闭拒，风乃得乘闲而入，此中风之大略也。邪气中经，身痒瘾疹，当即世俗所谓风疹，其病犹在表也。予尝治其寿姪及上海姚金福室人，并以麻黄加术汤取效。又在清和坊治愈一老妇人，亦用此方，可为明证。唯营不足，风邪乃转入里，夫胸为太阳出入之道路，上中二焦水气分布之总区也。风从皮毛入，遏其清阳之气，阻水液之散布，故令胸满而气短。仲师不出方治，窃谓当用桂枝汤去芍药加参术防风黄芪，助心阳而补脾阴，使营气略和风将自息。风引汤似不合病。

【按】《金匱》曰：“寸口脉迟而缓，迟则为寒，缓则为虚。营缓则为亡血，卫缓则为中风。邪气中经，则身痒而瘾疹。心气不足，邪气入中，则胸满而短气。”书中未出方，曹颖甫以麻黄汤或桂枝汤加味。

151. 痔疮

痔疮，此证唯枯痔散最神效。方用：

白砒一钱（煨尽白烟，研末）

枯矾二钱

乌梅炭研末一钱

朱砂三分（和研）

手指蘸药敷痔头捻之。一日二次，五六日出臭水，水尽痔枯，重者不过半月，可以痊愈。

【按】《金匱》曰：“小肠有寒者，其人下重便血，有热者必痔。”曹颖甫曰：小肠有热，则湿热注于大肠，壅阻肛门，乃病痔。